

減封資國用

公諡曰恒德公，食封資人悉同存日，本官如本今日薨奏也。

〔日本紀略嵯峨〕弘仁九年三月壬寅，公卿奏曰：頃年之間，水旱相續，百姓農業損害不少云々。伏望省臣下封祿，暫助國用。年歲豐稔，即復舊例。許之。十一年十一月，詔曰云々。其弘仁八九年之間，水旱不登，府庫稍耗，因公卿評議，暫割五位以上封祿四分之一，以均公用。如今五穀頗熟，支用可均，宜封等數復之舊例。

〔日本紀略淳和〕天長二年五月乙未○未誤，左大臣藤原冬嗣等上表，奏請臣下封祿。許之。庚戌，右大

臣緒嗣上表，以封一千戶○一千戶誤。奉支國用，勅依請。癸丑，左大臣冬嗣上表，請減封。乙卯，勅不

許。癸亥，右大臣封戶二千烟，依表收公。

〔三代實錄清和〕貞觀十一年七月二日戊午，太政大臣從一位藤原朝臣良房、大納言正三位兼行皇太

子傳藤原朝臣氏宗、正三位行中納言源朝臣融、中納言兼左近衛大將從三位行陸奧出羽按察使藤

原朝臣基經，參議從三位行左衛門督兼近江守源朝臣多，參議右近衛大將從三位兼行讚岐守藤原

朝臣常行，參議正四位下行右衛門督兼讚岐權守源朝臣生，參議民部卿正四位下行兼行春宮大夫伊

豫守南淵朝臣年名，參議正四位下行式部大輔春澄朝臣善繩，參議正四位下行左大辨大江朝臣音

人等奏言：昔堯舜以百姓為心，禹湯以萬方罪己，隔代齊聖，於是可議。伏奉去月廿六日詔書，旱雲涉旬，

農民失望，服御常膳並宜減撤。臣等○等原作尋，據一本改，擊讀循環不勝感歎。夫君臣合體，諒自古來。豐儉同分，

豈唯今日。伏請五位以上封祿，亦暫減折，裨織塵於崇岱，添涓滴於谷水。謹錄事狀，伏聽天裁。奏可。

〔三代實錄清和〕貞觀十五年十一月十三日甲戌，詔曰：垂鴻一德，違○違原作違，據一本改道者先亂。其行歷象

同天，變常者乃遭其怒。朕政無寒暑，化負水波，凌遲之運，仰慙洪緒。及至十一年，夏旱復甚，於常時，性璧

空投山澤之靈，魚龍殆失淵源之府。朕念而三復，過在一人。羸衣以待天下之溫，菲食以思天下之飽。而

卿等推心唱和，取義往來，論奏一成，懇誠自露。遂王公減封，諸臣省祿。縱令率如舊制，伏臘之費難支，何